

## SORPRESA DI AÑA CHOCOLATE CITY ATROBE



E "chocolate boy" aki a sorprende tur hende e aña aki cu su tremendo roadmarch "ATROBE". Ta parse cu e aña aki "ATROBE" tur esnan cu a sobresali durante periodo di carnaval ta di "chocolate city". Baron tambe ta di "chocolate city" y ta demostrando cu mester bay tene hopi cuenta cu ne den futuro. Baron ta timbalero di PRIDE y ta su prome cancion cu e la bay canta pa su banda pa calypso contest. Baron a

debuta cu "ATROBE", y e reaccion tabata tremendo, y cu cada bes nan mester repitíe atrobe pasobra enberdad e cancion aki a pega durísimo y ta hopi gusta. Baron tambe ta favorito pa su "ATROBE" ser e roadjam di aña. Si e no resulta e no ta worry, e lo bin mas duro "ATROBE" otro aña pasobra e la traha su nomber "ATROBE". MAYAN no pero AWE si ATROBE den AMBIENTE !!.

### PROFESSIONAL TATTOOS

Semper bo tabata kier TATTOO,  
pero no tabata sa ken pa confia ?

\*Professional Design  
\*Safe & Steril  
\*Privacy

Traha bo appointment na TEL:36602

## BLUE WAVE Nightclub

Yen di ambiente  
y gozo!!

SHOW  
DI  
BRASSBAND  
Y JUMP UP  
DILANTI  
BLUE WAVE



## ARUBIAN BRASSBAND CU UN ESPECTACULO SHOW

DEN AMBIENTE tin un palabra di elogio pa "ARUBIAN BRASSBAND", cu a bin for di terra friu pa celebra y alavez duna nos carnaval un toque mas di ambiente cu nan ritmo y show di brassband. Arubian Brassband a wordo forma na Januari 1991, y nan prome salida tabata durante actividadnan di Aruba dag 1991.

E dos fundadornan nan ta Alvin Dirks (drum section), y Haime Croes (brass section). Arubian Brassband ta consisti di 25 estudiante na Hulanda cu den pasado tabata forma parti di un brassband aki na Aruba y Antillas. Nan meta principal ta pa mantene

e cultura di Aruba tambe na Hulanda. Na Hulanda Arubian Brassband a toca na festivalnan grandi entre otro Antill.

Festival na Hoogstrak (Belgie), hunto cu Wilfrido Vargas, Arrow etc. Un otro actividad grandi cu ta spera nan ,lo ta bay ta na April venidero durante apertura di tweede kamer na Den Haag. E prestigioso brassband aki ta bao di e vereniging conoci "NOS BARANCA " cual tambe ta traha pa tur e Arubianonan na Hulanda.

Hunto cu e brassband aki tambe ta forma parti e popularísimo bialarin musico GLEN ROCK, y e talentoso

timbalero ex Musical Time, GINO KELLY. E potret aki a ser tuma den Club Caiquetio durante e tremendo celebracion y coronacion di Maria College su reynanan enconecion cu nan 50 aña di existencia.

Arubian Brassband a forma un tremendo ambiente cu nan shownan espectacular durante e happening aki, cu a laga e alumnonan keda hopi satisfecho. DEN AMBIENTE ta desea e "ARUCAMBAMBANAN" aki un "PRETTEGE" y un "LEUKE" carnaval "VIERING" cu hopi "PLEZIER pero zonder BIER", pasobra "daarom zijn ze HIER" !!!.



## NOS REY DI TUMBA Y DI CALYPSO TA BAY HULANDA???



Esaki ta un pregunta cu ta cende hopi candela grandi. Den e ultimo añanan ta un tradicion caba cu e rey di tumba y calypso ta bay representa su dushi terra na Hulanda enconecion cu celebracion di Aruba dag. DEN AMBIENTE a tende nombrenan di cierto banda y cantante, pero te ainda no a tende nomber di nos orgullo rey di tumba y calypso, y alavez a caba di graba su nomber como e prome cantante den historia cu a logra tres corona. Sigur cu nos paisanonan y tambe e Antillanonan y hulandesnan kier conoce e talentoso cantante aki, pa asina nan por goza di su tumba y calypso riba e dia respeta aki na Hulanda. Ta miedo nan tin pa e no bay pega henter Hulanda na CANDELA ??.